

七十二家集

陳思王集卷之二

魏陳思王曹植子建著

賦

大暑賦

炎帝掌節祝融司方羲和按轡南雀舞衡蛇折
鱗於靈窟龍解角於皓蒼遂乃溫風赫戲草木
聳榦山析海沸沙融礫爛飛魚躍渚潛鼃浮岸
鳥張翼而近栖獸交遊而雲散于時黎庶徙倚
慕布葉分機女絕綜農夫釋耘背暑者不群而

齊跡向陰者不食而成群於是大人遷居宅幽
綴神育靈雲屋重構明房肅清寒泉涌流玄木
會榮積素冰於幽館氣飛結而爲霜奏白雪於
琴瑟朔風感而增涼

愁霖賦

迎朔風而爰邁兮雨微微而逮行
悼韓陽之隱罹兮悲北辰之潛精
車結轅以盤桓兮馬蹢躅以悲鳴
攀扶桑而仰觀兮假九日於天皇
瞻沅雲之泱泱兮哀吾願之不將

又愁霖賦

夫季秋之淫雨兮旣彌日而成霖
瞻玄雲之晻晻兮聽長空之淋淋
中宵卧而歎息起飾帶而撫琴

喜霽賦

禹身逝於囂肝卒錫圭而告成湯感旱於殷時
造桑林而敷誠動玉朝而雲披鳴鑾鈴而日陽
指北極以爲期吾將倍道而兼行

寶刀賦

有引

建安中家父魏王乃命有司造寶刀五枚三年
乃就以龍虎熊馬雀爲識太子得一余及余弟
饒陽侯各得一馬其餘二枚家王自使之賦曰
有皇漢之明后思潛達而玄通飛文義以博致
揚武備以禦凶乃熾火炎燼蝟鉄挺英烏獲奮
椎歐冶是營扇景風以激氣飛光鑑於天庭爰
告祠于太乙乃感夢而通靈然後礪以五方之
石鑿以中黃之壤規員景以定環攄神思而造

像垂華紛之葳蕤流翠采之晃爍陸斬犀革水
斷龍舟輕擎浮筏刃不濺流踰南越之巨闕超
有楚之太阿寔真人之攸嚮永天祿而是荷

九華扇賦

昔吾先君常侍得幸漢桓帝賜尚方扇不方不圓其中結成文名曰九華其辭曰

有神區之名竹生不周之高岑對綠水之素波背玄澗之重深體虛暢以立榦播翠葉以成林形五離而九華篋鼇解而縷分效虬龍之蜿蜒法虹霓之氤氲因形致好不常厥儀方不應矩圓不中規隨皓腕以徐轉發惠風之微寒時氣清以方厲紛飄動兮綺紈

迷迭香賦

播西都之麗草兮應青春而凝暉
流翠葉於纖柯兮結微根於丹墀
信繁華之速實兮弗見凋於嚴霜
芳暮秋之幽蘭兮麗昆崙之英芝
旣經時而收采兮遂幽殺以增芳
去枝葉而特御兮入綃縠之霧裳
附玉體以行止兮順微風而舒光

車渠椀賦

惟新椀之所生于涼風之浹濯承金光之定色
擬朝陽而發輝豐玄素之曄曄帶朱榮之葳蕤
縕絲綸以肆承藻繁布以相追翩飄飄而浮景
若驚鵠之雙飛隱神璞於西野彌百葉而莫希
于時乃有雋厚神后廣被仁聲夷慕義而重使
獻茲寶於斯庭命公輸之巧匠窮妍麗之殊形
華色燦爛文若黠成鬱翳雲蒸蜿蜒龍征光如
激電影若浮星何神怪之巨偉信一覽而九驚

陳思王集

卷二

五

梁朝

雖離朱之聰目內炫耀而失精何明麗之可悅
超聲寶而特章侯君子之閑燕酌甘醴於斯觥
既娛情而可貴故永御而不忘

酒賦

有序

余覽楊雄酒賦辭甚瑰瑋廣戲而不雅聊作酒賦粗定其終始賦曰

嘉儀氏之造思亮茲美之獨珍仰酒旗之景曜
協嘉號於天辰穆生以醴而辭楚侯羸感爵而
輕身其味有宜城醪醴蒼梧縹清或秋藏冬發
或春醞夏成或雲沸潮涌或素蟻浮萍爾乃王
孫公子遊俠翺翔將承芬以接意會陵雲之朱
堂獻酬交錯宴笑無方以是飲者並醉縱橫諠

譁或揚袂屢舞或扣劍清歌或嘖嘖辭觴或奮
爵橫觥或歌驪駒既駕或稱朝露未晞於斯時
也賢者或文剛者或仁卑者忘賤宴者忘貧於
是矯俗先生聞之而歎曰噫夫言何容易此乃
淫荒之源非作者之事若耽于觴酌流情縱逸
先王所禁君子所斥

植楠賦

有朱楠之珍樹于鶉火之遐鄉稟太陽之烈氣
嘉杲日之休光體天然之素分不遷徙于殊方
播萬里而遙植列銅爵之園庭背山川之暖氣
處玄朔之肅清邦換壤別爰幾喪生處彼不凋
在此先零朱實不啣焉得素榮惜寒暑之不均
嗟華實之永乖仰凱風以傾葉冀炎氣之可懷
颺鳴條以流響希越鳥之來栖夫靈德之所感
物無微而不和神益幽而易激信地道之不訛

既萌根而弗幹
諒結葉而不華
漸玄化而弗變
非彰德於邦家
附微條以嘆息
草木之難化

芙蓉賦

覽百卉之英茂無斯華之獨靈結脩根於重壤
泛清流而擢莖其始榮也曠若夜光尋扶桑其
揚暉也晃若九陽出暘谷芙蓉蹇產幽菴星屬
絲條垂珠丹榮吐綠焜焜離離爛若龍燭觀者
終朝情猶未足於是狡童媛女相與同遊擢素
手於羅袖接紅葩於中流

槐賦

羨良木之華麗爰獲貴於至尊憑文昌之華殿
森列峙乎端門觀朱櫨以振條擢文陛而結根
暢沉陰以溥覆似明后之垂恩在季春以初茂
踐朱夏而乃繁覆陽精之炎景散流耀以增鮮

神龜賦

龜壽千歲時有遺余龜者數日而死肌肉消盡
唯甲存焉余感而賦之曰

嘉四靈之建德各潛位乎一方蒼龍虬於東嶽
白虎嘯於西崗玄武集於寒門朱雀棲於南鄉
順仁風以消息應聖時而後翔嗟神龜之奇物
體乾坤之自然下夷方以則地上規隆而法天
順陰陽以呼吸藏景曜於重泉餐飛塵以實氣
飲不竭於朝露步容趾以俯仰時鸞回而鶴顧

忽萬載而不恤周無疆於太素感白龍之翔翥
卒不免乎豫且雖見珍於宗廟羅剝之重辜
欲愬怨於上帝將等愧乎游魚懼沈泥之逢殆
赴芳道以巢居安玄雲而好靜不淫翔而改度
昔嚴周之抗節援斯靈而托喻嗟祿運之屯蹇
終遇獲於江濱歸籠檻以幽處遭淳美之仁人
晝顧瞻以終日夕撫順而接晨遘滛災以殞越
命勦絕而不振天道昧而未分神明幽而難燭
黃氏沒於空澤松喬化於株木虵折鱗於平臯

龍脫骨於深谷亮物類之遷化疑斯靈之解殼

陳琳答東阿論龜賦書附

琳死罪死罪昨加恩辱命并示龜賦披覽粲然君侯體高俗之材秉青萍于將之器拂鐘無聲應機立斷此乃天然異稟非鑽仰者所庶幾也音義既遠清辭妙句歟絕煥炳譬猶飛兔流星超山越海龍驤所不敢追况於駕馬可得齊足哉夫聽白雪之音觀綠水之節然後東野巴人蚩鄙益著載歡載笑欲罷不

能謹韜櫓玩耽以爲吟頌琳死罪死罪

白鶴賦

嗟結繩之素鳥兮含奇氣之靈胚
薄幽林以屏處兮蔭重景之餘光
狹單巢於弱條兮懼春風之難當
無沙棠之逸志兮欣六翮之不傷
承邂逅之僥倖兮得接翼於鸞凰
同毛衣之氣類兮信休息之同行
痛美會之中絕兮遭嚴災而逢殃
共太息而祇懼兮抑吞聲而不揚
傷本規之違忤悵離群而獨處
恒竄伏以窮栖獨哀鳴而戢羽
冀大綱之難結得奮翅而遠遊
聆雅琴之

清韻記六翻之末流

鸚鵡賦

美中州之令鳥越衆類之殊名
道太陰以存形遇旅人之嚴刑殊
身挂滯於重籠孤鳴鳴而獨歸豈
子身之足惜憐衆雛之未飛分
靡軀以潤鑊何全濟之敢希
蒙含育之厚德奉君子之光輝
怨身輕而施重恐往惠之中
虧常戢心以懷懼雖處安其若危
永哀鳴其報德庶終來而不疲

離繳鴈賦

余游於武陵中有鴈離繳不能復飛顧命舟人
追而得之故憐而賦焉

憐孤鴈之偏特情獨焉而內傷尋淑類之殊異
今稟上天之休祥含中和之純氣赴四節而征
行遠玄冬於南喬兮避炎夏於朔方白露淒以
飛今秋風發乎西南感節運之復至今假魏道
而翔翔接羽翮以南北兮情逸豫而永康望范
氏之發機兮播纖繳以凌雲挂微軀之輕翼兮

忽頽落而離群旅朋驚而鳴逝兮徒矯首而莫
聞甘充君之下厨膏函牛之鼎鑊蒙生全之顧
覆何恩施之隆溥於是縱軀歸命無慮無求饑
食稻粱渴飲清流

鵑賦

有引

鵑之爲禽猛氣共鬪終無勝負期於必死遂賦
之焉

美遐圻之偉鳥生太行之巖阻體貞剛之烈性
亮金德之所輔戴毛角之雙立揚玄黃之勁羽
其沉隕而重辱有鄆俠之儀矩降居檀澤高處
保岑遊不同嶺棲必異林若有翻雄駭逝孤鷗
驚翔則長鳴挑敵鼓翼專場踰高越壑雙不隻
僵階侍斯珥俯耀文墀成武官之首飾增庭燎

之高輝

鵲雀賦

鵲欲取雀雀自言雀微賤身體些小肌肉瘠瘦
所得益少君欲相嗽實不足飽鵲得雀言初不
敢語頃來輒軻資糧乏旅三日不食畧思死鼠
今日相得寧復置汝雀得鵲言意甚怛營性命
至重雀鼠貪生君得一食我命是傾皇天降鑑
賢者是聽鵲得雀言意甚怛惋當死斃雀頭如
果蒜不早首服烈頸大喚行人聞之莫不徃觀
雀得鵲言意甚不移目如擘椒跳蕭二翅我當

死矣畧無可避鵲乃置雀良久方去二雀相逢
似是公姬相將入草共上一樹仍叙本末辛苦
相語向者近出爲鵲所捕賴我翻捷體素便附
說我辨語千條萬句欺惑會長令兒大怖我之
得免復勝於兔自今徙意莫復相妬

端則

嗟夫蟬之清素兮潛厥類乎太陰在盛陽之仰
夏兮始遊豫乎芳林實澹泊而寡慾兮獨怡樂
而長吟聲皦皦而彌厲兮似貞士之介心內含
和而弗食兮與衆物而無求棲高枝而仰首兮
漱朝露之清流隱柔桑之稠葉兮快喁號以遁
暑苦黃雀之作害兮患螳螂之勁斧冀飄翔而
遠托兮毒蜘蛛之網罟欲降身而卑窺兮懼草
蟲之襲予免衆難而弗獲兮遙遷集乎宮宇依

名累之茂陰兮托脩幹以靜處有翩翩之狡童
兮步容與於園圃體離朱之聰視兮姿才捷於
彌猿條罔葉而不挽兮樹無幹而不緣翳輕驅
而奮進兮跪側足以自閑恐余身之驚駭兮精
曾晚而目連持柔竿之冉冉兮運微黏而我經
欲翻飛而逾滯兮知性命之長捐亂曰詩歎鳴
蜩聲嘒嘒兮盛陽則來太陰逝兮皎皎貞素侔
夷節兮帝臣是戴尚其潔兮

蝙蝠賦

吁何茲氣生茲蝙蝠形殊性詭每變常式行不
由足飛不假翼明伏暗動

盡似鼠形

謂鳥不似二足爲毛飛而含齒巢不哺穀空不
乳子不容毛群斥逐羽族下不蹈陸上不爲木

陳思王集卷之三

魏陳思王曹植子建著

樂府

飛龍篇

晨遊泰山雲霧窈窕忽逢二童顏色鮮好乘彼
白鹿手翳芝草我知真人長跪問道西登玉臺
金樓複道授我仙藥神皇所造教我服食還精
補腦壽同金石永世難老

丹霞蔽日行

蔽日采虹霓

紂為昏亂虐殘

一作虐

忠正周室何隆一門三聖

牧野致功天亦革命漢祚之興隋秦

一作秦

之衰

雖有南面王道陵夷炎光再幽殄滅無遺

薤露行

樂府解題曰曹植
擬薤露行為天地

天地無窮極陰陽轉相因人居一世間忽若風

吹塵願得展功勤輸力於明君懷此王佐才慷

慨獨不羣鱗介尊神龍走獸宗麒麟蟲獸猶

德何況於士人孔氏判言王等歟已分驛我
徑寸翰流藻垂華芬

惟漢行

魏武帝薤露詩曰惟漢
二十世所任誠不良

太極定二儀清濁始以形三光炤八極天道甚
著明爲人立君長欲以遂其生行仁章以瑞變
故誠驕盈神高而聽卑報若響應聲明主敬細
微三季膏天經二皇稱至化盛哉唐虞庭禹湯
繼厥德周亦致太平在昔懷帝京日昃不敢寧

濟濟在公朝萬載馳其名

君子行文選作古辭

君子防未然不處嫌疑間
瓜田不納履李下不整冠
嫂叔不親授長幼不比肩
勞謙得其柄和光甚獨難
周公下白屋吐哺不及餐
一沐三握髮後世稱聖賢

鰕鰕篇一曰鰕鰕篇

樂府解題曰曹植
擬長歌行爲鰕鰕

鰕鰕游潢潦不知江海流
燕雀戲藩柴安識鴻

鷗遊世士此誠明大德
國無僞駕言登五嶽然
後小陵丘俯觀上路人
勢利惟是謀讐高念皇
家遠恨柔九州撫劍而
雷音猛氣縱橫浮泥泊
徒嗷嗷誰知壯士憂

吁嗟篇

選詩拾遺作
琴調
裴逢篇

堂府解題曰曹植
擬若寒行爲吁嗟

吁嗟此轉蓬居世何獨然
長土本根遊宿夜無
休聞東西經七陌南北
越九阡卒遇回風起吹
我入雲間自謂終天路
忽然下沈泉

一作
驚懸

接我出故歸彼中田當南而更北謂東而反西
宮室當何依忽亡而復存飄飄周八澤連翩歷
五山流轉無恒處誰知吾苦艱願爲中林草秋
隨野火燔糜滅豈不痛願與根一作株茲連

豫章行二首

樂府解題曰曹植
擬豫章行爲窮達

窮達難豫圖禍福信亦然虞舜不逢堯耕耘處
中田太公未遭文漁釣終一作經渭川不見魯孔
丘窮困陳蔡間周公下白屋天下稱其賢

鴛鴦自朋親不若比翼連他人雖同盟骨肉天性然周公穆康叔管蔡則流言于臧讓千乘季札慕其賢

蒲生行浮萍篇

浮萍寄清水隨風東西流結髮辭嚴親來爲君子仇恪勤在朝夕無端獲罪尤在昔蒙恩惠和樂如瑟琴何意今摧頽曠若商與參茱萸自有芳不若桂與蘭新人雖可愛無若故所懽行雲有反期君恩儻中還慊慊仰天歎愁心將何愬

日月不恒處人生忽若寓悲風來入懷一作淚

下如垂露發篋造裳一作新衣裁縫紉與素

篋篋引

樂府作野田黃雀行

樂府解題曰晉樂奏東阿王置酒高殿上然篋篋引亦用此曲

置酒高殿上親友宋書從我遊中厨辦豐膳烹

羊宰肥牛秦箏何慷慨齊瑟和且柔陽阿奏奇

舞京洛出名謳樂飲過三爵緩帶傾庶羞王稱

千金壽賓奉萬年酬久要不可忘薄終義所尤

謙謙君子德馨折欲何求驚風飄白日光景馳

西流盛時不可再百年忽就絕存亡處處
落歸山丘先民誰不死知爲爾何愛

野田黃雀行

高樹多悲風海水揚其波利劍不在掌結友何
須多不見離間雀見鷗自投羅羅家得雀喜少
年見雀悲拔劍捎羅網黃雀得飛飛飛飛摩蒼
天來下謝少年

門有萬里客

門有萬里客問君何鄉人褰裳起從之果得心

所親挽裳對我泣太息前自陳本是朔方士今
爲吳越民行行將復行去去適西秦

泰山梁甫行

樂府解題曰曹植改
泰山梁甫爲八方

八方各異氣千里殊風雨劇哉邊海民寄身於
草墅妻子象禽獸行止依林阻柴門何蕭條狐
兔翔我宇

怨詩行

明月照高樓流光正徘徊上有愁思婦悲歎存

餘哀解借問歎者誰自云若子妻夫行踰十載

賤妾常獨棲解二念君過於渴思君劇於饑君作

高山柏解一作妾爲濁水泥解三北風行蕭蕭烈烈

入吾耳心中念故人淚墮不能止解四浮沈各異

路會合當何諧願作東北風吹我入君懷解五君

懷常不開賤妾當何依恩情中道絕流止任東

西解六我欲竟此曲此曲悲且長今日樂相樂別

後莫相忘解七

怨歌行

伎錄樂府解題皆以爲古辭文章正宗作曹子建

爲君旣不易爲臣良獨難忠信事不顯乃有音
見疑患周公佐成王金縢功不刊推心輔王室
二叔又流言待罪居東國泣涕常流連皇靈大
動變震雷風且寒拔樹偃秋稼天威不可干素
服開金縢感悟求其端公旦事旣顯成王乃哀
歎吾欲竟此曲此曲悲且長今日樂相樂別後
莫相忘

一 輦舞歌五首

序曰漢靈帝西園鼓吹有李堅者能輦舞音

亂西隨段熲先帝聞其舊有技君之堅既耳
廢秦古曲多謬誤故作新歌五篇古今樂
錄曰漢
曲五篇一曰關東有賢女二曰章和二年中
三曰樂久長四曰四方皇五曰殿前生桂樹
龜章帝造魏曲五篇一明明魏皇帝二大和
有聖帝三魏歷長四天生烝民五為君既不
易並明帝造以代漢曲其辭並亡陳思王又
有五篇一聖皇篇以當章和二年中二靈芝
篇以當殿前生桂樹三大魏篇以當漢吉昌
四精微篇以當關中有賢女五孟冬篇以當
夜更按漢曲無漢吉昌狡兔
二篇疑樂久長四方皇是也

聖皇篇

聖皇應曆數正康帝道休九州咸賓服威德洞

八幽三公奏諸公不得久淹留蕃位經至重舊
章咸率由侍臣省文奏陛下體仁慈沈吟有愛
戀不忍聽可之迫有官典憲不得顧恩私諸王
當就國璽綬何累縷便時舍外殿宮省寂無人
主上增顧念皇母懷苦辛何以爲贈賜傾府竭
寶珍文錢百億萬采帛若煙雲乘輿服御物錦
羅與金銀龍旂垂九旒羽蓋參班輪諸王自計
念無功荷厚德思一効筋力糜軀以報國鴻臚
擁節衛副使隨經營貴戚並出送夾道交輜輶

車服齊整設韓睥耀天精武騎衛前後鼓吹簫
笳聲祖道魏東門淚下霑冠纓板蓋因內顧俛
仰慕同生行行將日暮何時還闕庭車輪爲徘徊
四馬躊躇鳴路人尚酸鼻何況骨肉情

靈芝篇

靈芝之生王地朱草被洛濱榮華相晃耀光采曄
若神古時有虞舜父母頑且嚚盡孝於田壠烝
烝不違仁伯瑜年七十綵衣以娛親慈母嘗不
痛歔歔涕霑巾丁蘭少失母自傷早孤斂刻木

當嚴親朝夕致三牲暴子見陵侮犯罪以亡形
丈人爲泣血免戾全其名董永遭家貧父老財
無遺舉假以供養傭作致甘肥責家填門至不
知何用歸天靈感至德神女爲秉機歲月不安
居嗚呼我皇考生我旣已晚棄我何其早蓼莪
誰所興念之令人老退詠南風詩灑淚消碑抱
亂曰聖皇君四海德教朝夕宣萬國咸禮讓百
姓家肅虔庠序不失儀孝悌處中田戶有曾閔
子比屋皆仁賢髫鬣無夭齒黃髮盡其年陛下

大置酒玉樽列廣庭樂飲過三爵朱顏暴已形
式宴不違禮君臣歌鹿鳴樂人舞鼙鼓百官雷
抃讚若驚儲禮如江海積善若陵山皇嗣繁且
熾孫子列曾玄羣臣咸稱萬歲陛下長壽樂年
御酒停未飲貴戚跪東廂侍人承顏色奉進金
玉觴此酒亦真酒福祿當聖皇陛下臨軒笑左
右咸歡康杯來一何遲羣僚以次行賞賜累千
億百官並富昌

精微篇

常微爛金石至心動神助祀妻哭死大梁山爲
之傾子丹西質秦烏白馬角生鄒衍囚燕市繁
霜爲夏零關東有賢女自字蘇來卿壯年報父
仇身沒垂功名女休逢赦書白刃幾在頸俱上
刑仙籍去死獨就生太倉令有罪遠徵當就拘
自悲居無男禍至無與俱緹縈痛父言荷擔西
上書盤桓北闕下泣淚何漣如乞得并姊弟沒
身贖父軀漢文感其義肉刑法用除其父得以
免辯義在列圖多男亦何爲一女足成居簡子

南渡河津吏廢舟船執法將加刑女媚擁權前
妾父聞君來將涉不測淵畏懼風波起應祝祭
名川備禮饗神祇爲君求福先不勝醺醑誠至
今祀罰艱君必欲加誅乞使知罪誓妾願以身
代至誠感蒼天國君高其義其父用赦原河激
奏中流簡子知其賢歸聘爲夫人榮寵超後先
辯女解父命何況健少年黃初發和氣明堂德
教施治道致太平禮樂風俗移刑措民無枉怨
女復何爲聖皇長壽考景福常來儀

孟冬篇

孟冬十月陰氣厲清武官誠固講旅統兵元龜
張書元光著名蚩尤跼路風舞薄停乘輿啓行
鸞鳴幽軋虎賁采騎飛象珥鵷鏡鼓鏗鏘簫管
嘈陽萬騎齊鑣千乘等蓋夷山填谷平林滌鼓
張羅萬里盡其飛走趯趯狡兔揚白跳翰獵以
青散掩以脩竿韓盧宋鵠呈才騁足噬不盡縲
牽縻猗鹿魏氏發機養基撫弦都盧尋高搜索
猴狻慶忌孟賁臨谷超轡張目決背髮怒穿冠

頓熊扼虎蹴豹搏驅氣有餘勢負象而趨獲車
既盈日側樂終罷役解徒大饗離宮亂曰聖皇
臨飛軒論功校獵徒死禽積如京流血成溝渠
明詔大勞賜大官袞有無走馬行酒醴驅車布
肉魚鳴鼓舉觴爵擊鐘醕無餘絕綱一作縱麟
魔弛罩出鳳雛收功在羽校威靈振鬼區陛下
長懽樂永世合天符

當欲游南山行

東海廣且深由卑下百川五嶽雖高大不逆垢

與塵良木不十圍洪條無所因長者能博愛天下寄其身大匠無棄材船車用不與錐刀各異能何所獨卻前嘉善而矜愚大聖亦同然仁者各壽考四坐咸萬年

名都篇

歌錄曰名都美女白馬並齊瑟行也皆以首句名篇

名都多妖女京洛出少年寶劍直千金被服麗且鮮闢雞東郊道走馬長楸間馳騁未能半雙兔過我前攬弓捷鳴鏑長驅上南山左挽因右

發一縱兩禽連餘巧未及展仰手接飛鳥觀者
咸稱善梨工歸我妍歸來宴平樂美酒十千
觴鯉脯胎鰕炮鼈炙熊蹯鳴鶴嘯四倡列坐竟
長筵連翩擊鞠壤巧捷惟萬端白日西南馳光
景不可攀雲散還城邑清晨復來還

美女篇

美女妖且閑採桑岐路間柔條紛冉冉落葉何
翩翩攬袖見素手皓腕約金環頭上金爵釵腰
佩翠琅玕明珠交玉體珊瑚間木難羅衣何飄

颿輕車隨風還顧盼遺光彩嘯氣若蘭行徒
用息駕休者以忘餐借問女安居乃在城南端
青樓臨大路高門結重關容華耀朝日誰不希
令顏媒氏何所營玉帛不時安佳人慕高義求
賢良獨難衆人徒嗷嗷安知彼所觀盛年處房
室中夜起長歎

白馬篇

白馬飾金羈連翩西北馳借問誰家子幽并游
俠兒少小去鄉邑揚聲沙漠垂宿昔秉良弓櫜

矢何參差控弦破左的右發摧月支仰手接飛
孫俯身散馬蹄狡捷過猴猿勇剽若豹螭遶城
多警急胡虜虜一作騎數遷移羽檄從北來厲馬登
高隄長驅蹈匈奴左顧陵鮮卑棄身鋒刃端性
命安可懷父母且不顧何言子與妻名編五臣作在

升天行二首

乘蹻追術士遠之蓬萊山靈液飛素波蘭桂上
參天玄豹游其下翔鵠戲其巔乘風忽登舉彷彿

緇兒舉仙

扶桑之所出乃在朝陽谿中心陵蒼昊有葉蓋
天涯日出登東幹既夕沒西枝願得紆陽轡廻
目便東馳

五遊篇

九州不足步願得凌雲翔逍遙八絃外游目歷
遐龍披我丹霞衣襲我素霓裳華蓋芬晻藹六
龍仰天驤曜靈未移景倏忽造昊蒼閭闔啟丹
扉雙闕曜朱光徘徊文昌殿登陟太微堂上帝

休西櫺羣后集東廂帶我璵璠佩
救我沅瀝漿踟躕玩靈芝徙倚弄華芳
王子奉仙樂羨門進奇方服食享遐紀
延壽保無疆

遠遊篇

遠遊臨四海俯仰觀洪濤大魚若曲陵
承浪相經過靈輶戴方丈神嶽儼嵯峨
仙人翔其隅玉女戲其阿瓊蓋可療饑
仰首吸朝霞崑崙本吾宅中州非我家
將歸謁東父一舉超流沙鼓翼舞時風
長嘯激清歌金石固易敝日月同光華

齊年與天地萬乘安足多

仙人篇

仙人攬六著對博太山隅湘娥拊琴瑟秦女吹
笙竽玉樽盈桂酒河伯獻神魚四海一何局九
州安所知韓終與王喬要我於天衢萬里不足
步輕舉凌太虛飛騰踰景雲高風吹我軀迴駕
觀紫微與帝合靈符閭闔自嵯峨雙闕萬丈餘
玉樹扶道生白虎夾門樞驅風游四海東過王
母廬俯觀五嶽間人生如寄居潛光養羽翼進

趨且徐徐不見軒轅氏乘

一作升

龍出崑湖徘徊

九天上與爾長相湏

鬪鷄篇

遊目極妙伎清聽厭宮商主人寂無爲衆賓進

樂方長筵坐戲客鬪雞閒觀

樂府作觀閒

房羣雄正

翕赫雙翅自飛揚揮羽激清風博

樂府作博

目發朱

光背落輕毛散嚴距往往傷長鳴入青雲扇翼

獨翱翔願蒙狸膏助常得擅此場

盤石篇

盤盤山巔石飄飄淵底蓬我本太山人何爲客
淮東蒹葭彌斥土林木無分重圻巖苦崩缺湖
水何淘淘蚌蛤被濱涯光彩如錦缸高彼凌雲
霄浮氣象螭龍鯨脊若丘陵巔若山上松呼吸
舂船灑澎湃戲中鴻方舟尋高價珍寶麗以通
一舉必千里乘颶舉帆幢經危履險阻未知命
所鍾常恐沈黃墟下與鼉鼈同南極蒼梧野游
盼窮九江中夜指參辰欲師當定從仰天長太
息思想懷故邦乘桴何所志吁嗟我孔公

驅車篇

驅車揮

一作揮

驚馬東到奉高城。禪哉彼泰山五

嶽專其名。隆高貫雲霓。嵯峨出太清。周流二大
堠。間置十二亭。上有湧醴泉。玉石揚華英。東北
望吳野。西眺觀日精。魂神所繫屬。逝者感斯征。
王者以歸天。效厥元功成。歷代無不遵。禮記有
品程。探策或長短。唯德享利貞。封者七十帝。軒
皇元獨靈。餐霞漱沆瀣。毛羽被身形。發舉蹈虛
廓。徑庭升窈冥。同壽東父年。曠代承長生。

種葛篇

種葛南山下，葛藟自成陰。與君初婚時，結髮恩
義深。懽愛在枕席，宿昔同衾。綰慕常懷，篇好
樂和瑟。琴行年將晚，慕佳人懷異心。恩紀曠不
接，我情遂抑沈。出門當何顧，徘徊步北林。下有
交頸獸，仰見雙棲禽。攀枝長歎息，淚下沾羅襟。
良馬知我悲，延頸代我吟。昔爲同池魚，今爲王
作商與參。往古皆歡遇，我獨困於今。棄置委天
命，悠悠安可任。

棄婦篇

舊集不載見
玉臺新詠

石榴植前庭綠葉搖縹青丹華灼烈烈璀璨彩有
光榮光榮曄曄流離可以處淑靈有鳥飛來集拊
翼以悲鳴悲鳴夫何爲丹華寔不成拊心長歎
息無子當歸寧有子月經天無子若流星天月
相終始流星沒無精棲遲失所宜下與瓦石并
憂懷從中來歎息通鷄鳴反側不能寐逍遙於
前庭踟躕還入房肅肅帷幕聲牽帷更攝帶撫
絃彈鳴箏慷慨有餘音要妙悲且清收淚長歎

息何以負神靈招徠待霜露何以惹是成晚穫
高堂實賴君且安寧

安薄命二首

攜玉手喜同車北上雲閣飛除釣臺蹇產清虛

池塲觀

靈作

沼可娛仰泛龍舟綠波俯擢神草

枝柯想彼宓妃洛河退詠漢女湘娥

日月既逝

吳文作日
既逝矣

西藏更會蘭室洞房華燈

步障舒光

玉堊作花
步帳輝煌

皎若日出扶桑促樽合

坐行觴主人起舞盜盤能者穴觸別端騰觚飛

爵闌干同量等色齊願任意交屬所歡容顏發
外形蘭袖隨禮容極情妙舞僂僂體輕衆解優
還絕纓俛仰笑喧無呈覽持佳人玉顏齊舉
作金爵翠盤手形羅袖良難脫弱不勝珠環坐
者歎息舒顏御巾裏粉君傍中有霍納都梁雞
舌五味雜香進者何人齊姜恩重愛深難忘召
延親好宴私但歌杯來何遲客賦旣醉言歸主
人稱露未晞

平陵東

天衢通被殺羽衣乘飛龍乘飛龍與
期東上蓬萊採靈芝靈芝採之可服食年若作
與王父無終極

嘗來日大難

字在詩題曰曹植擬
意裁自為日著短

日著短樂有餘乃置玉樽擲東海廣情故心相
於園門置酒和樂欣欣遊馬後翠轅車解輪今
日同堂出門異鄉別易會難各盡杯觴

桂之樹行

桂之樹桂之樹桂生一何肥佳楊朱華而翠葉
流芳布天歷上有棲鸞下有盤螭桂之樹得道
之真人咸來會講仙教爾服食日精要道其言
不煩淡泊無爲自然乘騎萬里之外去留隨意
所欲存高高上際於衆外下下乃窮極地天

當牆欲高行

龍欲升天須浮雲人之仕進待中人衆口可以
鑠金讒言三至慈母不親憤憤俗間不辯僞真
願欲披心自說陳君門以九重道遠河無津

當事者行

人生有所貴尚出門各異情朱紫更相奪色雅
聲與言聲好惡隨所愛憎追舉逐聲聲唐名百
心可寧一君巧詐寧拙誠

當車以駕行

歡坐玉殿會諸貴客侍者行觴主人離席顧視
東西廂絲竹與鞞鐸不醉無歸來明燈以繼夕
昔思行

綠蘿綠玉樹光耀粲相輝下有兩真人舉翅翮

高飛我心何踴躍思飲樂雲追鬱鬱西獄顛石
室青松與天連中有耆年一隱士鬚髮皆皓然
策杖從我遊教我忘忘言

艷歌

出自薊北門遙望胡池桑枝枝自相值葉葉自
相當

樂府

墨出青松煙筆出狡兔翰古人感鳥跡文字有

收判